



mjesečni Bilten

omladinska mreža bosne i hercegovine

novembar
studen
2019.

246

Dragi prijatelji/ce,

Predstavljamo vam **novembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u novembru 2019.	2
Planovi za decembar 2019.	6
Aktivnosti članova mreže.....	7
Saopštenja/informacije/donatori/pozivi	17

Uživajte u čitanju!

AKTIVNOSTI ORC/HCA U NOVEMBRU 2019.



“NE FURAM NACIONALIZAM” – CRTANJE MURALA BRČKO



U saradnji sa Gradskim stadionom FK “Jedinstvo” Brčko, lokalni tim CAT Brčko je dobio dozvolu da jedan od mapiranih uvredljivih grafita precrtaju muralom koji u svojoj poruci sadrži pozitivan narativ: “Ne furam nacionalizam”.

Također, stiglo je i obećanje od strane Javnog Komunalnog Preduzeća Brčko Distrikta da će u budućnosti nastojati da sa zidova ulica grada uklone uvrijedljive grafite.

Uklanjanje uvrijedljivih grafita u Gradu Brčko, ali i drugim gradovima u BiH je

otežano komunalnim preduzećima iz razloga što se mnogi od ispisanih grafita nalaze na zidovima objekata za čije krečenje ili iscrtavanje murala je potrebna dozvola građana, stanovnika objekta, vlasnika objekta ili samo grada.

Lokalni tim CAT Brčko je pokazao da je spreman činiti konkretne korake u svom Gradu, te svoj primjer ponudio drugim građanima Brčko Distrikta i mladima u Bosni i Hercegovini.

Mlada umjetnica Tamara Rašić iz Brčkog odlučila je također svojim doprinosom da pomogne u realizaciji crtanja murala “Ne furam nacionalizam” kojim je prekriven graffit uvredljivog sadržaja.

Ulična akcija protiv govora mržnje u Tuzli #PaziNaJezik

Lokalni CAT tim Tuzla u nedjelju 24. novembra uspješno je realizovao uličnu akcija u Gradskom parku, usmjerenu protiv govora mržnje #PaziNaJezik.

Cilj ove ulične akcije bio je upoznavanje građana Tuzle o širenju govora mržnje na online platformama, a koji je jedan od stubova fašizma. Cilj ove aktivnosti bio je isto tako upoznati građane sa posljedicama koje izaziva govor mržnje, ali i mogućim sankcijama. U Gradskom parku bilo je postavljeno platno, gdje je upravo građanima i građankama bilo omogućeno da napišu asocijacije ka govoru mržnje, te moguća rješenja. Također, svi su imali priliku i da ostave svoje otiske ruke u različitim

bojama, što je imalo za cilj da pokaže **bogastvo i ljepotu različitog i drugačijeg**. U sklopu ove aktivnosti naši sugrađani su imali priliku uzeti učešće i u kratkom kvizu, te osvojiti CAT majice.



Završna ulična akcija Lokalnog CAT tima Tuzla

30. Novembra 2019. godine Lokalni CAT tim Tuzla uspješno je realizovao svoju završnu uličnu aktivnost usmjerenu prema govoru mržnju koji je sveprisutan u našim lokalnim sredinama.

Treća ulična akcija, a ujedno u završna akcija bila je usmjerena ka pomoći migrantima smještenim u krugu autobuske stanice u Tuzli, u vidu toplog obroka, odjeće, voća i pića.



Lokalni CAT tim Tuzla želi da se zahvali na podršci i saradnji: Kuhinja ALA DURI, pekara Magistrala Srebrenik, kao i prijateljima sa pijace Arizona koji su nam donirali voće.



Anna Lindh Fondacija
Bosanskohercegovačka mreža

RADNA POSJETA VITEZU

U periodu od 3. – 4. Novembra Nacionalni koordinator ALF BiH Miralem Tursinović i predsjednik UO ALF BiH, Jasmin Jašarević posjetili su Vitez, te članice ALF iz Viteza – Udrugu ENTER i gradsko kazalište

mladih. Tokom posjete imali smo priliku razgovarati sa predstavnicima lokalnih i kantonalnih vlasti, privrednicima, te posjetiti tradicionalnu kulturnu manifestaciju: 9. Dani kazandžija i izvornog bećarca Krčevine – Vitez.

Isto tako, sastanku u Vitezu prisustvovala je i gospođa Aida Riđanović – direktor EuroMED Foruma ALF-a. Tokom sastanka dogovorili smo mogućnosti većeg učešća organizacija članica ALF na Forumu u Šibeniku, te pružanja eventualne podrške u organizaciji Foruma od strane članica ALF BiH.



ALF Trening za trenere Nikozija - Kipar



Fondacija Anna Lindh organizirala je Regionalni trening za trenere o interkulturalnom obrazovanju građanstva u euro-mediteranskoj regiji. Trening je namijenjen edukatorima u sektoru formalnog i neformalnog obrazovanja. Temeljio se na metodologiji izgradnje kapaciteta za interkulturalni dijalog, koji je razvio tim stručnjaka koje koordinira Fondacija Anna Lindh koristeći glavnu edukativnu referencu "Priručnik o obrazovanju Fondacije Anna Lindh o interkulturalnom građanstvu u Euro-med regiji", uključujući prezentaciju koncepta interkulturalnog građanstva, interaktivnog učenja i testiranja predstavljenih kompetencija i pojmova, te razmjene obrazovnih praksi među polaznicima.

Obuka je trajala 5 dana, u periodu od 25. Do 30. novembra u Nikoziji na Kipru. Na treningu je učestvovalo 29 učesnika iz euro-mediteranske regije. Nakon provedene obuke, učesnici su se obavezali da će organizovati obrazovne aktivnosti u svojim zajednicama i mrežama. Kroz cio ovaj proces bit ice popraćeni kroz mentorski plan i podršku mentora/trenera koju će im omogućiti Fondacija Anna Lindh.



Na treningu su ispred ALF BiH, učestvovala: Maja Vejzović iz Fondacije lokalne demokratije Mostar i Ivona Čelebić iz organizacije Promente socijalna istraživanja Sarajevo.

Strateško planiranje dugoročne rehabilitacije i reintegracije mladih i djece povratnika iz ratom zahvaćenih dijelova Sirije i Iraka.

U periodu od 7. i 8. novembra u Sarajevu, hotel Ibys, održano je „Strateško planiranje dugoročne rehabilitacije i reintegracije mladih i djece povratnika iz ratom zahvaćenih dijelova Sirije i Iraka.“

Dvodnevnom skupu u Sarajevu su prisustvovali predstavnici javne uprave, medija i organizacija civilnog društva uključenih u prevenciju radikalizma i zaduženih za skrbništvo povratnika sa straništa po njihovom dolasku.

Ovo je jedinstvena inicijativa civilnog društva koja ima za cilj stvaranje efikasne regionalne platforme, koja će uskladiti usluge OCD usmjerene ka prevenciji nasilnog ekstremizma u regiji Zapadnog Balkana.

Predstavnik ORC Tuzla, ispred projekta CAT (Građani protiv terorizma) bio je Slobodan Blagovčanin.



Omladinska grupa ORC Tuzla

Konferencija C:E:T platforme u Beogradu

EUrope na Doorstep konferencija je započela u utorak, 26. novembra 2019. godine u Beogradu, Srbija. Događaj je započeo posjetom diplomatskog kora i lokalnih institucija.

Nj.E. Gospođa Virginia Pina, ambasadorica Portugala, gospođa Mihaela Osorio, zamjenik šefa misije Rumunije, g. Roman Weixler, zamjenik šefa misije Republike Slovenije i g. Žarko Stepanović, direktor Ureda za suradnju s civilnim društvom, pozdravili su goste i podijelili svoju viziju Evrope 2025.



Kasnije se u EU info centru održala panel diskusija, na kojoj su: Anne Gronlund, Norveška, Miguel Carneiro, Portugal, Vasilena Mitsiadi, Grčka, Viktorija Matrasalina, Estonija i Vojislav Vujić, Srbija, razmijenili mišljenja o pet mogućih scenarija Evrope u 2025.

Grupa je zatvorila dan sastankom sa Draganom Šorbazom i Elvirom Kovač iz Savjeta za evropske integracije Narodne skupštine Republike Srbije. Kasnije su učesnici posjetili Narodnu skupštinu, Palatu današnje Narodne skupštine Republike Srbije iz 19. vijeka, i razgledali veliku dvoranu, malu dvoranu, biblioteku sa nekim od najstarijih pravnih dokumenata sa Balkana i kabinet, rezervisan samo za najveće političare današnjeg vremena. Predstavnik ORC-a Tuzla bio je Slobodan Blagovčanin.

Identity yourself - Gradačac

Druga u nizu radionica održala se 22. i 23. novembra u prostorijama Društveni centar Gradačac, sa simboličnom temom "Identity yourself". Učesnici radionica su imali priliku da uče o ljudskim pravima, zakonima koje se tiču mladih ljudi i politikama koje se trebaju provoditi u našoj državi. Naši volonteri (omladinski teneri/ice) svakog vikenda okupljaju nove mlade i uključuju ih u omladinski angažman, a uskoro nas očekuju volonterske akcije u Gradačcu. Jedan od edukatora bio je naš član Emir Karamujić.



REDOVNE AKTIVNOSTI ORC i hCa TUZLA

Tokom novebra smo radili na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA DECEMBAR 2019.

- Nastavak implementacije nove kampanje - „CAT 19“. U okviru ovog projekta 8. Decembra ćemo u Tuzli održati završnu manifestaciju – Mačkograd“ (više na linku: <https://www.facebook.com/events/2610145999080173/>). Isto tako nastavićemo sa implementacijom globalne on-line i off-line kampanje po Bosni i Hercegovini, pripremom nagradnih igara, kao i odabiranjem najboljih radova u formi: kratke priče, mima i promotivnih materijala kampanje.
- Nastavak apliciranja za projekte i učešće u partnerskim projektima u regiji
- Radna posjeta Banja Luci, u okviru ALF BiH.

AKTIVNOSTI ČLANICA OMLADINSKE MREŽE BiH



Centar za mlade INPUT

Ul. Mokušnice 10, 72000 Zenica

Tel./fax: +387 61 766 532

E-mail: info@inputcentar.com

Web: www.inputcentar.com

Facebook: <https://www.facebook.com/udruzenje.input>

Evropska sedmica robotike u INPUT Centru u Zenici

Centar za mlade INPUT i STEM centar za naprednu STEM edukaciju djece i mladih su u Zenici povodom Evropske sedmice robotike organizovali od 14.11. do 24.11. više događaja iz oblasti STEM edukacije, robotike i programiranja za djecu i mlade.



Jedan od centralnih događaja koji je održan u prostorijama Centra za mlade INPUT je bio „Robotika je cool“. Na događaju su prezentovane STEM edukacije, STEM robotika i programiranje, a prisutni su imali priliku upravljati brojnim STEM robotima koji služe za edukaciju djece i mladih: mBot, mBot ranger, Codey Rockey, Cozmo, lego Education, Lego Boost, Lego WeDO2, Lego mindstorms EV3, 3D printeri i 3D olovke, dronovi i još mnogo druge STEM opreme.

Cilj nam je da djeci mladima, ali i ostalim zainteresovanim približimo STEM edukaciju, robotiku i programiranje. Mi smo jedini u Zenici koji se profesionalno bavimo STEM edukacijom. Djeca i mladi kroz STEM edukaciju (Science, Technology, Engineering, Mathematics), gdje ovaj koncept podrazumijeva da se matematika, hemija, fizika, biologija, informatika i tehnika izučavaju u međusobnoj korelaciji, logično povezani i primjenjivi na stvarni život. Na taj način, razvija se kritičko mišljenje i samostalnost, te jača dugoročna svrha učenja.



Kroz edukacije u INPUT-u je u proteklim godinama edukovano oko 16 800 djece i mladih. U sklopu pomenutog događaja održano je i takmičenje u programiranju malih robota mBot. Na takmičenju su uzeli učešće i učenici iz osnovnih škola iz Sarajeva, Kiseljaka, Travnika i Žepča. Ovo je samo jedna od mjesečnih aktivnosti koje provodi Centar za mlade INPUT i STEM centar iz oblasti STEM edukacije za djecu i mlade.



www.proni.ba

PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@pronib.ba

www.proni.ba

Budi muško klub



U zajedničkoj saradnji Budi Muško Kluba Brčko i Tuzla organizovana je posjeta u Tuzli, gdje su mladi imali priliku da posjete kino, upoznaju se sa radom kolega iz Tuzle o aktivnostima koje sprovode.

Aktivno se spremamo za 16 dana aktivizma i Međunarodni dan borbe protiv nasilja nad ženama i djevojkama.

"Aktivnost je realizovana u okviru projekta Inicijativa mladića II (YMI - Young Men Initiative): "Promovisanje zdravijih životnih stilova među mladima u Bosni i Hercegovini osporavanjem rodni stereotipa II", koji je podržava Vlade Švicarske, OAK Fondacija,

Austrijska razvojna agencija i CARE International Bosna i Hercegovina."

„Career day“

U utorak, 12. novembra učestvovali smo na događaju "Career day" koji organizuje Education USA BiH u American Corner Mostar. Imali smo priliku predstaviti profesiju OMLADINSKOG RADNIKA/CE i njen značaj za društvo u cjelini. Ovo je još jedan od načina i doprinos #PRONI Centra za omladinski razvoj, za prepoznavanje omladinskog rada kao profesije.

Svaki rad s mladima nije omladinski rad!

Omladinski rad je planiran program obrazovnog karaktera, kreiran sa svrhom pružanja podrške mladima u procesu osamostaljivanja, tako što im omladinski radnik/ca pomaže u ličnom i socijalnom razvoju kako bi postali aktivni članovi/ce društva i učesnici/ce u procesu donošenja odluka. Jedan od ciljeva omladinskog rada je kreiranje sigurnog okruženja i mogućnosti za aktivno učešće mladih na dobrovoljnoj osnovi u procesu sticanja veština, kompetencija i znanja.

Omladinski radnici/ce su edukovane osobe koje u radu sa mladim ljudima koriste metode neformalnog obrazovanja, fokusirajući se na lični i društveni razvoj kroz odnos jedan na jedan i grupne aktivnosti.

Veliko hvala EducationUSA BiH na prilici i prepoznavanju #PRONI-a kao jednog od učesnika događaja.

Generalna Skupštine Mreže za izgradnju mira

U periodu od 15. do 16. novembra 2019. učestvovali smo na Generalnoj skupštini Mreža za izgradnju mira / Network for Building Peace. Mreža za izgradnju mira pokreće, jača i povezuje mirovne inicijative i aktivnosti u BiH i regionu te stabilno društvo u kojem se ljudi međusobno poštuju i vjeruju jedni drugima gradeći zajedno trajan mir u BiH i regionu. Mreža za izgradnju mira uspostavljena je 10. februara 2010. godine i danas okuplja 90 članica iz cijele BiH.

Sastanak sa ambasadorom Sjedinjenih Američkih Država u BiH

Ambasador Sjedinjenih Američkih Država u BiH, NJ.E. Eric Nelson, posjetio je Brčko distrikt BiH, te se sastao i sa predstavnicima PRONI Centra za omladinski razvoj.



Na sastanku se razgovaralo o procesima pomirenja, značaju i ulozi koju mladi ljudi imaju u procesu izgradnje sigurnog i bezbjednog društva, te projektima za mlade, koje PRONI Centar sprovodi u Brčkom i ostatku BiH, uz podršku United States Embassy to Bosnia and Herzegovina.

„Mladi u borbi protiv nasilnog ekstremizma“

Predstavnici PRONI Omladinskih klubova Sarajevo i Banja Luka su predali dvije inicijative za izmjene i dopune zakona na državnom nivou.

Inicijative su rezultat dvogodišnjeg rada na projektu "Mladi u borbi protiv nasilnog ekstremizma" a tiču se izmjena i dopuna Zakona o udruženjima i fondacijama BiH i Zakona o komunikacijama BiH.

Projekat je podržan od Embassy of the Netherlands in Bosnia and Herzegovina, koji je realizovao PRONI Centar u saradnji sa Omladinskim resursnim centrom Tuzla - ORC Tuzla i PAX Holandija.

Na projektu su učestvovali i Vijeće/Savjet mladih Brčko distrikta BiH, Omladinski savjet Republike Srpske, Vijeće mladih Federacije BiH te mladi iz PRONI Omladinskih klubova iz Sarajeva, Mostara, Banja Luke, Bijeljine i Brčkog.

Nadamo se da će Ministarstvo pravde BiH i Ministarstvo komunikacije i prometa BiH usvojiti ove dvije inicijative.

Trening za pisanje projekata

#PRONI Centar za omladinski razvoj, kao Contact Point BiH Erasmus+ YOUTH za programe Erasmus+ Mladi i Europske snage solidarnosti za BiH, u periodu od 18 do 19 novembra održali smo trening za pisanje projekata u okviru programa Erasmus+ Mladi u Sarajevu.

Tokom ovog treninga, učesnici su imali priliku saznati više o programu poput: koji su glavni uslovi za apliciranje s projektima, kada i pod kojom ključnom akcijom možemo aplicirati a pod kojom biti partneri, kako pronaći partnere i sl., te čuti iskustva predstavnice Nadbiskupijski Centar za Pastoral Mladih "Ivan Pavao II." koji su realizovali projekat u okviru ovog programa.

Naredni trening je u Banja Luci (9-10.12.), pa zatim u Bijeljini (16-17.12.).

Aktivnosti PRONI Omladinskih klubova

POK Banja Luka

- Aktivno se realizuje radionica "Društvo (bez predrasuda)"
- Aktivno se realizuje radionica „Edukativne radionice engleskog“
- Aktivno se realizuje radionica "Uvod u pisanje presude"
- Aktivno se realizuje radionica "Kreativne radionice o ljudskim pravima"

POK Bijeljina

- Aktivno se realizuje radionica „Prevenција nasilja“
- Aktivno se realizuje radionica “Never walk alone”

POK Mostar

- Održana je radionica u okviru programa Akademija Storytelling-a.
- Aktivno se realizuje radionica „I TEBE se tiče“
- Aktivno se realizuje radionica „U PRONI na fuka“

POK Sarajevo

- Aktivno se realizuje radionica „Omladinski aktivizam“
- Aktivno se realizuje radionica „Menadžeri društvenih mreža“
- Aktivno se realizuje radionica „Samopouzdanje-pobjeda prije početka“
- Aktivno se realizuje radionica „Zdravi životni stilovi“
- Aktivno se realizuje radionica „Prezentacijske vještine“
- Aktivno se realizuje radionica "Partnerski odnosi u emotivnim vezama"
- Održana je radionica „Tabata“ u Foči.

Aktivnosti u PRONI Omladinskim Klubovima se realizuju u sklopu #STaRBiH projekta kojeg sprovodi Karuna Center for Peace-building uz podršku USAID Bosnia and Herzegovina.



**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac

Dnevne radionice

Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne dekoracije: print lišća na papiru, auta od papirnih rolnica, uši od zeca za ples „Dancing bunny“, te razne Halloween dekoracije. Ovaj mjesec su takođe imali par interaktivnih radionica na temu higijena i djeca u saobraćaju (semafor, prepoznavanje boja za siguran prelazak ulice). Kao i prošlog mjeseca, vježbali smo riječi na engleskom jeziku na temu mir. Učesnici su takođe nastavili vježbati abecedu - slova A, B, C, Č. Na muzičkim radionicama su muzicirali zajedno na raznim perkusijama, te su učili novu pjesmicu na engleskom jeziku „I have got peace in my heart“ – „Imam mir u svom srcu“. U okviru redovnih aktivnosti, takođe smo imali slušanje priča: ekološka priča „Čudovište iz smeća“, zatim „Crvić koji je htio biti astronaut“ te razne basne (npr. Lisica i jarac). Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionica Sambe

Učesnici ove radionice radili su na novoj kompoziciji – radni naziv „The Pump“. Kompozicija je u G-molu nešto sporijeg tempa sa tekstom na temu siromaštva. Tekst strofe i refrena napisali su učesnici.



Radionica gitare

Učesnici radionice gitare su uvježbavali etide D.Aguada, M.Carrasija, F.Sora, kompozicije R.Dyensa, H.V.Lobosa i D.Bogdanovića, bluz improvizaciju u različitim tonalitetima, melodiju i harmoniju jazz standarda „Blue Bossa“, dječju pjesmicu „Kiša pada trava raste“ i makedonsku narodnu pjesmu „Biljana platno beleše“.

Halloween Party / noć vještica

Omladinska organizacija Svitac je 01.11. organizovala Halloween Party za djecu i mlade sa područja Brčko distrikta u prostorijama Omladinskog centra. Prvi dio je bio namijenjen za uzrast 4-6 godina od 11-13 časova, kada su mališani imali priliku da učestvuju u raznim igrama i zabavnim aktivnostima i probaju različite Halloween kolače. Drugi dio Halloween zabave je održan u 18 časova za uzrast 8+. Uz pomoć međunarodnih i lokalnih volontera organizovan je zanimljiv program, kada su gosti imali priliku da učestvuju na 2 stanice sa igrama tipičnim za Halloween: hvatanje slatkiša, paukova mreža, obaranje piramide, pravljenje maski. U završnom dijelu zabave se takođe birao najbolje ručno rađeni kostim i najbolje ručno oslikana maska uz nagradu, te je upriličeno i osvježenje sa tipičnim slatkišima za Halloween i face paintingom. Halloween zabavi je prisustvovalo preko 120 gostiju.



Međunarodni dan borbe protiv fašizma i antisemitizma

Međunarodni dan borbe protiv fašizma i antisemitizma se svake godine obilježava 09.11. širom Evrope. Omladinska organizacija Svitac je obilježila ovaj datum sa tri aktivnosti. Učesnici prve grupe uzrasta 4-6 godina su imali priliku pogledati lutkarsku predstavu koju su pripremili lokalni i međunarodni volonteri. U predstavi je prikazan primjer fašizma/netrpeljivosti koji je bio prilagođen uzrastu učesnika, a primjenjene su radne i pedagoške metode u skladu sa njihovim godinama. Na



Na kreativnom dijelu radionice učesnici su bojili radni list sa porukom „Svi se smijemo na istom jeziku“.

Učesnici druge radionice za uzrast 14+ su diskutovali na temu „Manipulativna upotreba jezika u Tweetovima Donald Trumpa“. Mladi su imali priliku saznati više o manipulaciji jezika kao političkog instrumenta, populizmu i govoru mržnje. Nakon kratkog videa o Tweetovima Donald Trumpa, učesnici su dobili dva prazna „Tweet prozora“ kako bi sami mogli napisati pozitivne poruke mira.



Članovi muzičke radionice samba udaraljki su takođe obilježili međunarodni dan borbe protiv fašizma i antisemitizma interaktivnom radionicom na kojoj su razgovarali o značenju i važnosti ovog datuma (“Kristalna noć - pogrom židovskog naroda za vrijeme nacističke Njemačke), te o prisustvu fašizma kroz razne društvene segmente u sadašnjem društvu. Grupa je takođe uradila obradu pjesme “Ay Carmela” – poznatu borbenu pjesmu republikanske vojske iz doba Španskog rata. Možete je poslušati ovdje: <https://youtu.be/hRPGJvMEAEc>

Radionice su održane u prostorijama Omladinskog centra Brčko distrikta.

Međunarodni Dan Tolerancije

Omladinska organizacija Svitac je obilježila ovaj dan radionicom koju su pripremili lokalni i međunarodni volonteri. Grupa je učila o toleranciji koristeći metaforu prirode, kroz raznovrsnost biljaka i cvijeća. U uvodnom dijelu, učesnici su rekli šta pojam 'tolerancija' znači za njih, a zatim su diskutovali koliko je važan miroljubiv suživot te prihvatanje i poštovanje drugih. Nakon toga su napravili baštu tolerancije na zelenom plakatu da pokažu kako različito cvijeće živi zajedno i formira prekrasnu baštu.

Za decembar se planira nastavak svih redovnih radionica Omladinske organizacije Svitac.





Udruženje građana "C.E.Z.A.R" Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Youth Corners of Trust and Peace

Zvanično je počela realizacija projekta „Youth Corners of Trust and Peace“, koju finansira Američka ambasada u BiH kroz Homestay program. Ovaj projekat sprovodi Udruženje građana „C.E.Z.A.R.“, sa partnerima iz Visokog (Udruženje Damar omladine) i Viteza (Osnovna škola Vitez). Podršku pruža Institut Perpetuum Mobile, u čijim je prostorijama održan i prvi sastanak partnera. Cilj projekta jeste uspostavljanje trajnih veza prijateljstva, saradnje i razumijevanja među različitim etničkim grupama mladih u 3 opštine/općine u BiH, kroz organizaciju razmjene u domaćinstvima, te stvaranje omladinskih kutaka u partnerskim gradovima, po uzoru na Omladinski park Udruženja „C.E.Z.A.R.“. Razmjene će se obaviti u prvoj polovini sljedeće godine.



Mural kamp Gradiška

Prvi mural kamp u Gradišci održan je prvog vikenda u novembru, a na njemu je učestvovalo 20 mladih umjetnika iz Srpcu, Bihaća, Banja Luke, Gradiške i Prijedora. Ispred Udruženja građana „C.E.Z.A.R.“ kampu su prisustvovala Helena Simić, Dajana Brković Suvajac i Aleksandra Novaković. Projekat realizuje Udruženje Most iz Gradiške, zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM), uz finansijsku podršku Američke agencije za međunarodni razvoj (USAID). Prezentacija kampa održana je u Udruženju građana „C.E.Z.A.R.“ 29.11.2019. Učesnice kampa prenijele su svoje iskustvo srednjoškolicima iz naše Opštine, te su razmjenjivali ideje o crtanju murala u našem gradu.



Projekat "Edukativne radionice u srednjim školama u RS"

Nakon Srpcu, zajedno sa Ministarstvom porodice, omladine i sporta Republike Srpske, Udruženje građana „C.E.Z.A.R.“ započelo je realizaciju projekta „Edukativne radionice u srednjim školama u Republici Srpskoj“ i u Gradišci, sa učenicima Gimnazije. Na prvoj radionici učenici su stekli znanja o

volontiranju, a na drugoj su iznijeli svoje ideje i isplanirali volontersku akciju uz mentorsku podršku članova ovog Udruženja.



Uređenje gradskog parka



Članovi udruženja građana "C.E.Z.A.R." iz Srpcu aktivno rade na uređenju gradskog parka u Srpcu, koji se nalazi u neposrednoj blizini Dječijeg vrtića "Naša radost" i Udruženja roditelja i djece sa posebnim potrebama "Izvor". Uz pomoć volontera iz Centra srednjih škola "Petar Kočić" Srbac rade na oživljavanju ovog parka kako bi bio na raspolaganju svim građanima. Radovi su počeli u septembru zahvaljujući finansijskoj podršci Asocijacije srednjoškolaca, koji su sredstva zarađena u okviru socijalnog dana usmjerili za uređenje gradskog parka. Do sada je uređeno dječije igralište, postavljene su klupe i

napravljena gradska bina koja će služiti za razna kulturna dešavanja.



Održana sjednica Skupštine Volonterskog servisa Republike Srpske

Pomoćnica ministra za omladinu, Branka Malešević, prisustvovala je sjednici Volonterskog servisa Republike Srpske, na kojoj je donesena odluka da se sjedište Volonterskog servisa iz Banjaluke premjesti u Gradišku, u Udruženje Most Gradiška, koje je prošle godine bilo proglašeno za najboljeg organizatora volontiranja u Republici Srpskoj. Za izvršnog direktora izabrana je Dajana Karan iz Lokalnog volonterskog servisa Gradiška, za predsjednika Skupštine Helena Kreća iz Lokalnog volonterskog servisa Novi Grad, a za potpredsjednika Tanja Šnjegota iz Lokalnog volonterskog servisa Srbac.



INFORMACIJE / DONATORI / POZIVI

Poziv za projekte Ambasade SAD: Program malih grantova

Naziv mogućnosti finansiranja: Program malih grantova Komisije za demokratiju (Democracy Commission Small Grants Program)

Rok prijavljivanja: Petak, 27. decembar/prosinac 2019. godine

Trajanje implementacije projekta: 12 mjeseci

Broj grantova koji bi mogli biti dodjeljeni: Najmanje 15 ovisno o iznosu svakog granta

Iznos granta: Grantovi su u iznosu od 1.000 do 50.000 dolara

Ukupno dostupna sredstva: 700.000 dolara

Očekivani datum donošenja odluke: Maj/svibanj – jun/lipanj 2020. godine

PROGRAM MALIH GRANTOVA DEMOCRACY COMMISSION DEMOCRACY COMMISSION SMALL GRANTS PROGRAM

Ovaj program podržava napore nevladinih organizacija na promicanju demokratije, održivog civilnog društva u BiH, poštivanja ljudskih prava i promicanja euroatlantskih integracija. To se može postići medijskim pomacima, javnim kampanjama zagovaranja, radionicama i drugim projektima. Organizacije civilnog društva koje se finansiraju iz donacija mogu se fokusirati na osnaživanje mladih – promoviranje učešća mladih u ekonomiji, politici, vladi i društvu. To može uključivati zapošljavanje mladih (neformalno obrazovanje o tržišnoj ekonomiji, preduzetništvu, tehnikama traženja posla, umrežavanju, itd.) i aktivizmu mladih (efikasno uključivanje u akcije javnog zagovaranja radi zaštite životne sredine, suzbijanje korupcije itd., kao i razvoj omladinskog liderstva, komunikacijskih i pregovaračkih vještina). Pored toga, organizacije se mogu baviti promocijom euroatlantskih integracija i ljudskih prava, uključujući projekte fokusirane na LGBT pitanja, rodnu ravnopravnost i podršku osobama sa invaliditetom i manjinama.

PROJEKTNE TEME

Projekti se trebaju baviti jednom od sljedećih tema:

- zapošljavanje mladih,
- euroatlantske integracije,
- ljudska prava, uključujući osobe sa invaliditetom i LGBT zajednicu.

PERIOD IMPLEMENTACIJE PROJEKATA

Budžet jednog prijedloga projekta za Democracy Commission Small Grants Program ne smije biti veći od **50.000 dolara**, a planirane programske aktivnosti bi se trebale održati između **maja/svibnja i juna/lipnja 2020. godine i aprila/travnja – maja/svibnja 2021. godine**. Imajte na umu da se ne može garantovati precizan vremenski okvir u kojem će novac dobiti. Organizacije bi trebale osmisliti projekte koji se mogu realizirati ako se novac primi nakon maja/svibnja i juna/lipnja 2020. godine.

KVALIFICIRANOST

Ko može aplicirati: Neprofitne organizacije (uključujući think-tanks, organizacije civilnog društva), obrazovne institucije i nezavisni mediji koji se ustanovljeni i pravno registrirani u Bosni i Hercegovini imaju pravo prijaviti se.

Američke ili druge države koje su donatori organizacijama, kao i pojedinci, ne ispunjavaju uslove za grant sredstva u okviru ovog programa. Grantovi se uglavnom dodjeljuju samo organizacijama.

Kompletan dokument:

[Poziv-za-projekte-Ambasade-SAD-Demcom-novembar-2019](#)



Objavljen drugi poziv za dostavljanje prijedloga projekata prekogranične saradnje Srbija – Bosna i Hercegovina 2014. – 2020.

Ministarstvo finansija Vlade Republike Srbije, u saradnji sa Ministarstvom za evropske integracije Vlade Republike Srbije i Direkcijom za evropske integracije Vijeća ministara Bosne i Hercegovine, objavilo je **Drugi poziv za dostavljanje prijedloga projekata u okviru IPA Programa prekogranične saradnje Srbija-Bosna i Hercegovina 2014-2020.**

Poziv je otvoren za sljedeća prioritetna područja:

- 1.1. Unapređenje zapošljivosti radne snage i povećanje mogućnosti zapošljavanja;**
- 2.1. Poboljšanje održivog planiranja zaštite životne sredine i promocija biodiverziteta;**
- 2.2. Unapređenje sistema upravljanja za intervencije u vanrednoj situaciji.**

Aplikacioni paket sa uputstvom za podnosiocima prijedloga projekata dostupan je na [linku](#).

U cilju promocije Drugog poziva, predstavljanja uslova poziva, aplikacionog paketa i uspostavljanja projektnih partnerstava, bit će organizovani događaji u Republici Srbiji i Bosni i Hercegovini.

Informacija o tačnim lokacijama i vremenu održavanja događaja bit će naknadno objavljena.

Rok za dostavljanje prijedloga projekata je **21. februar 2020. do 15:00** sati.

JAVNI POZIV za podnošenje prijedloga projekata za dodjelu sredstava nevladinim organizacijama i drugim organizacijama civilnog društva (vaninstitucionalnim partnerima FIGAP II Programa) koji će se finansirati iz sredstava FIGAP II programa

Na osnovu Posebnog sporazuma između Vijeća ministara Bosne i Hercegovine, koje zastupa Ministarstvo za ljudska prava i izbjeglice Bosne i Hercegovine i Švedske, koju zastupa Švedska agencija za međunarodni razvoj i saradnju (Sida), za podršku provođenju programa FIGAP II (2017 – 2021) i Supsidijarnog sporazuma između Ministarstva za ljudska prava i izbjeglice Bosne i Hercegovine, Gender centra – Centara za jednakost i ravnopravnost polova Republike Srpske i Gender Centra Federacije Bosne i Hercegovine, te Pravila o organizaciji i radu FIGAP II Programa, a u skladu sa Godišnjim planom rada FIGAP II Programa za 2019.godinu, Agencija za ravnopravnost spolova Bosne i Hercegovine, Ministarstva za ljudska prava i izbjeglice Bosne i Hercegovine, objavljuje:

JAVNI POZIV

za podnošenje prijedloga projekata za dodjelu sredstava nevladinim organizacijama i drugim organizacijama civilnog društva (vaninstitucionalnim partnerima FIGAP II programa) koji će se finansirati iz sredstava FIGAP II programa

Kriteriji za odabir projekta/projekata

Sljedeći kriteriji se koriste pri evaluaciji prijedloga projekata i oni predstavljaju i smjernice za definiranje glavnog i posebnih ciljeva prijedloga projekta:

- Projekat će doprinijeti sistemskoj održivosti rezultata GAP BiH 2018-2022.
- Jasno definisan opći i posebni cilj projekta koji će doprinijeti ostvarenju ciljeva FIGAP II programa.
- Jasno definisani rezultati projekta sa predviđenim aktivnostima, u skladu sa indikatorima FIGAP II programa.
- Jasno definisane ciljne grupe i njihove stvarne potrebe sa aspekta ravnopravnosti spolova.
- Iskustvo i/ili opredijeljenost za rad u oblasti ravnopravnosti spolova.

- Doprinos promociji ravnopravnosti spolova i podizanju svijesti javnosti o tematici vezanoj za ravnopravnost spolova među krajnjim korisnicima.
- Postojanje saradnje i partnerstva sa gender institucionalnim mehanizmima u BiH.
- Razvijanje institucionalne i vaninstitucionalne saradnje i partnerstva (između institucija i NVOa) na unapređenju ravnopravnosti spolova.

Pravo na podnošenje projektnog prijedloga

Na ovaj poziv se mogu prijaviti nevladine i druge organizacije civilnog društva registrovane u skladu sa važećim propisima u Bosni i Hercegovini. Projektni prijedlozi će biti uzeti u obzir za finansiranje ako nevladina organizacija (vaninstitucionalni partner) zadovoljava sljedeće opšte uslove:

- Vaninstitucionalni partner je upisan u sudski registar ili drugi registar prema važećim zakonima;
- Vaninstitucionalni partner djeluje u oblasti ravnopravnosti spolova i/ili zaštite ženskih ljudskih prava, ili u okviru djelatnosti postoji prostor za promovisanje i primjenu standarda ravnopravnosti spolova (cijeni se na osnovu statuta i drugih akata vaninstitucionalnog partnera);
- Vaninstitucionalni partner ima ljudske i materijalne resurse za provedbu prijavljenog projekta;
- Vaninstitucionalni partner ne obavlja poslove iz djelokruga tijela javne uprave;
- Vaninstitucionalni partner vodi transparentno finansijsko poslovanje;
- Djelatnost vaninstitucionalnog partnera nije finansirana posebnim propisima i ne finansira se u cijelosti iz drugih izvora.

Sredstva se neće dodjeljivati vaninstitucionalnim partnerima čija se djelatnost finansira po posebnim propisima, ogranci, podružnice i slični organizacioni oblici, strukovna udruženja, udruženja čiji je osnivač politička stranka.

Ukupan iznos raspoloživih sredstava za 2019. godinu je 80.000,00 KM. Minimalan iznos sredstava koji se može dodijeliti po jednom projektnom prijedlogu je 7.000,00 KM, a maksimalan do 15.000,00 KM.

Sva potrebna dokumentacija kao i dodatne informacije se mogu pronaći na web stranici Agencije za ravnopravnost spolova BiH, Ministarstva za ljudska prava i izbjeglice <https://arsbih.gov.ba/>, na web stranici Ministarstva za ljudska prava i izbjeglice Bosne i Hercegovine <http://www.mhrr.gov.ba/> te se također mogu preuzeti u prostorijama Agencije, ulica Dubrovačka 6, 71000 Sarajevo.

- Prijavni obrazac

http://mhrr.gov.ba/default.aspx?langTag=bs-BA&template_id=127&pageIndex=1



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
**Omladinski resursni centar
Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Urednik Biltena:
Mirela Biković

*Prevod Biltena na engleski:***Emir
Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com